



## ADMINISTRACIÓN LOCAL MUNICIPAL SANTISO

*Convocatoria pública axudas ao estudo para o curso académico 2021/2022*

### ANUNCIO

**Convocatoria pública axudas ao estudo para o curso académico 2021/2022**

Por Resolución de Alcaldía de data 12 de setembro de 2022 aprobáronse as seguintes bases:

**“BASES QUE REXERÁN A CONVOCATORIA PÚBLICA DE AXUDAS AO ESTUDO PARA O CURSO ACADÉMICO 2021/2022**

#### 1ª.- OBXECTO

O obxecto das presentes bases é regular a concesión de axudas ao estudo para o **curso académico 2021/2022**, en réxime de concorrencia competitiva.

O importe estimado de cada axuda será de **245 euros**.

A concesión destas axudas estará suxeita a dipoñibilidade orzamentaria.

#### 2ª.- BENEFICIARIOS

Poderán solicitar estas axudas:

- Os representantes legais dos alumnos de 5º - 6º de Primaria e 1º - 2º da ESO matriculados durante o curso académico 2021/2022 en centros docentes sostidos con fondos públicos que estivesen empadroados durante o período do correspondente curso académico no Concello de Santiso e que obtivesen unha nota media igual ou superior a 7.

- Os representantes legais dos alumnos de 5º - 6º de Primaria matriculados durante o curso académico 2021/2022 no CEIP de Arcediago e que obtivesen unha nota media igual ou superior a 7.

Os beneficiarios non poderán estar incursos en prohibición para recibir subvencións e deberán estar ao corrente das súas obrigas tributarias e coa Seguridade Social. Tales circunstancias serán acreditadas mediante declaración responsable.

#### 3ª.- PROCEDEMENTO DE SOLICITUDE

1) Os solicitantes cumprimentarán o modelo de solicitude, que poderán atopar nas oficinas xerais do Concello, e presentarano acompañado dos seguintes documentos:

- Copia do DNI do/a solicitante e do/a alumno/a.
- Copia do libro de familia.
- Certificado do centro docente onde estea escolarizado/a o/a alumno/a no que se especifique a nota media obtida por este/a no curso académico 2021/2022.
- Número de conta corrente bancaria onde se efectuará o ingreso.
- Declaración responsable de estar ao corrente das súas obrigas tributarias e coa Seguridade Social e de non estar incurso/a en prohibición para ser beneficiario/a de subvencións.

A condición esixida na base 2ª relativa ao empadroamento será comprobada de oficio por esta Administración.

2) Naquelas solicitudes nas que se observe a falta de documentación para a súa valoración, será solicitada por escrito ao interesado para que no prazo de 10 días hábiles, a contar desde a recepción da comunicación, presente a documentación solicitada. Se transcurrido ese prazo non se presentara, procederase ao arquivo do expediente.

3) O prazo de presentación de solicitudes será de 10 días hábiles contados a partir do seguinte ao da publicación das presentes bases no Boletín Oficial da Provincia da Coruña.

#### 4ª.- PROCEDEMENTO DE CONCESIÓN

O órgano competente para a instrución e resolución do procedemento é o Alcalde.

Os criterios a ter en conta e que deberán concorrer en todos os solicitantes para o curso académico obxecto da convocatoria, serán os indicados na base 2ª:

O prazo máximo para resolver será de tres meses contados desde o día seguinte ao da conclusión do prazo establecido na convocatoria. O silencio da Administración terá carácter desestimatorio.

#### **5ª.- XUSTIFICACIÓN**

A axuda quedará xustificada mediante a acreditación do cumprimento dos requisitos para ser beneficiario, isto é mediante a presentación dos documentos a que se refire a base 3ª no punto 1º.

#### **6ª.- RESPONSABILIDADES**

Calquera falsidade que se detecte dará lugar ao non recoñecemento da axuda ou, no caso de habela percibido xa, á devolución da mesma cos intereses legais correspondentes, independentemente das responsabilidades administrativas, civís ou penais que se puidesen esixir.

#### **DIPOSICIÓN FINAL**

Para o non regulado nestas bases estarase ao disposto na Lei 38/2003, de 17 de novembro, Xeral de Subvencións.”

Santiso, 12 de setembro de 2022.

O Alcalde

Manuel Adán López

2022/5746